

Date – 26/06/2026

Time - 18:30 -18:40Hrs

AKASHVANI AIZAWL

REGIONAL NEWS BULLETIN

HEADLINES (EVENING)

- 1. Home Minister Pu K Sapdanga chuan a enkawl thin DP&AR a chan zui tawh loh chungchang chu Chief Minister thuneihna liau liau a ni a ti.
- 2. Chief Minister Pu Lalduhoma’n Lunglei HPC-in football intihsiakna an buatsaih hmawrbawkna a hmanpui.
- 3. Electoral roll Special Intensive Revision (SIR) kal mekah Mizoramah enumeration form digitise hna zawh fel a ni tawh a, SIR thawh thumna a state zo hmasa ber a ni.
- 4. Operation Amistad hnuaiah India-in lirnghing rapthlak tak thlenna Venezuela-ah chhawmdawlina bungrua chi hrang hrang a thawn.



HOME MINISTER

Home Minister Pu K Sapdanga chuan a enkawl thin DP&AR a chan zui tawh loh chungchang chu Chief Minister thuneihna liau liau a ni a ti.
(Byte: Pu K. Sapdanga)

Vawiina a chenna Ina chanchinbumi thenkhat a kawmnaah Pu K Sapdanga chuan a enkawl thin DP&AR Chief Minister in a chan tak chungchanga zawhna chhangin department enkawltu siksawi chu Chief Minister thuneihna a nih thute, a tul a tih angin a siksawi a, a duh chuan midang pawh a pe thei tih a sawi a. DP&AR enkawl chu a hautak hle tih sawiin midang kuta a awm ta chu lawmawm a tih thute Chief Minister hian a enkawl hneh viau a rin thute a sawi a. DP&AR-a thawktu Officer ten dan an hria a, sorkar inrelbawlnaah an chiang hle niin a sawi a, ZPM kaihhruai

sorkarin tihhlawhtlin a duh Aikal lak tih tawp te, sorkar pisa kai hun mumal taka kalpui leh thil dangte chu sorkar hnathawk officer te zarah an tihhlawhtlin theih thu a sawi a, DP&AR officer zingah chung lam thu ni mah se dik lova an hriat hnial ngam an awm thu a sawi a. Politics thil deuha an ngaihdante chu Officer ten an hnial hreh lo a, Supreme Court thutlukna kalh zawng te, India danpui pela kalte an duh lo tih sawiin, heng avang hian DP&AR a enkawl chhungin sorkar kaihhnawiha DP&AR thutlukna a siam chungchang Court lamah vawikhatmah an inlan lo ani,ati bawk.

Pu K. Sapdanga chuan an sawrkar hmalakna leh hmasawnna hrang hrang tarlangin, e-office kalpui a nih hnuah sawrkar pisa hnathawh a chak zawk thu leh Right to Information (RTI) zawhnate pawh awlsam zawka chhan zung zung a nih tawh thu a sawi a. Chhan ran leh ran loh aia pawimawh chu a chhanna a dik em tih a nih zawk thu a sawi a ni.

Rorellai ZPM party chhungkuaah boruak tha lo a awm ang thuthang chungchangah ngaihdan in ang lo neite chu an awm a, hei chu pawl dangah pawh a awm tho a ni a ti. NDA zawm chungchanga Chief Minister nen an ngaihdan a in-an thu a sawi a, NDA chu zawm kher lovin thian tha tak atan erawh chuan tha an ti a, hei hi a an sorkar tirah an ngaihdan a nih thu leh Chief Minister pawhin a la vawng nia a hriat thu a sawi a ni.

<><><>

DRUGS DESTROYED

Nimin khan International Day Against Drug Abuse & Illicit Trafficking pualin Excise & Narcotics Department-in ruihhlo an man khawm Cheng vbch. 94 leh nuai 83 chuang hu an hal ral.

Heng ruihhlo kaihhnawihah hian thubuai 600 ziah luh a ni a, nimina hal ral hi,Court-in thubuai a chinfel tawh, tihral phalna a pek a ni a, Phunchawng-a Bethani Multipurpose Farm-ah Excise & Narcotics Secretary, Pu C. Lalruaia hovin an hal ral a ni.

<><><>

METH SEIZURE

Kolasib Police Special Team-in nimin khan Kolasib Venglai East atangin Methamphetamine ni a rin Kg 2 (mum 20,200) an man.

methamphetamine man hi cheng vaibelchhe 1.6 hu a chhut a ni a. Kolasib Police te hian an chhui zui zelnaah, ruihhlo neitu ni a puh Lalpianmawii Convent Road, Venglai, Kolasib Parkkawn te godown luah chu dap in, he hmun atang hian Rakzu litre 270, Cheng 1,35,000/- hu an man chhuak leh bawk ani. Zu leh ruihhlo neitu a puh Lalpianmawii hi man nghalin, Kolasib PS ah thubuai ziahluh a ni a. Nimin khan Kolasib district Court-ah hruai a nih hnuah District Jail, Kolasib-ah dah luh nghal a ni.

<><><>

CM ON LUNGLEI

Chief Minister Lunglei High Powered Committee (HPC) Chairman ni bawk Pu Lalduhoma chuan vawiin khan C. Thuamluaia Mualah Lunglei HPC bultuma Lunglei District Football Association (LDFA)-in khua leh veng inelna, inter-village football tournament an buatsaih, HPC Cup 2026 hmawr bawkna hun a hmanpui.

Pu Lalduhoma chuan sorkarna an chan veleh HPC Fund (District Annual Plan) cheng vaibelchhe 5 ni thin chu cheng vaibelchhe 7-a an tihpun nghal thu leh HPC Cup Budget pawh cheng nuai 6 atanga cheng nuai 8-a an tihsan nghal thu sawiin, Lunglei HPC chuan thalaite tihhmasawn ngai pawimawhin kawng hrang hrangin hma a la a ni a ti a. Aizawl-Thenzawl-Lunglei kawngpui chu National Highway-a puansak turin MoRTH hnena a dil thin thu leh National Highway lo awm tawh sa a awm avangin, parallel-a National Highway kaltir chu an kalphung a nih loh thua an lo hnar thu sawiin, Aizawl – Thenzawl chin tal puansak tura a dilna erawh chu remtihsak a nih thu leh NHIDCL-in DPR siamtu tur zawinna tender an tihchhuah mek thu leh tender hi tun thla tawpah hawn a nih dawn thu a sawi a.

Mizoram State University (MzSU) chu Lungleia dah tura ruahman fel a nih tawh thu leh a tul anga bawhzui mek a nih thu sawiin, Mizoram Engineering College (MEC), Pukpui chu luah theiha chei thatna atan kawng (approach road) siamna atan cheng nuai 1,012, tui pekna leh dah khawlna (water supply & storage) atan cheng nuai 249 chuang, eng pekna leh transformer bunna atan cheng nuai 106 chuang leh H&TE kutah campus tihchangtlunna te, hmanrua leh bungraw hrang hrang leina atan cheng nuai 1,435 chuang dah a nih thu a sawi a. P&ED leh PHED te'n an hna an zawh tawh thu leh PWD te'n hna za zela 40 an zawh tawh thu te, H&TE atanga Campus chei that hna (physical work) hi za zela 40 vel zawh a nih tawh thu te, a tul ang ang chak taka bawhzui zel a nih tur thu te a sawi a ni.



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.



SIR DIGITISATION

Electoral roll Special Intensive Revision (SIR) kal mekah Mizoramah enumeration form digitise hna zawh fel a ni ta a SIR thawh thumna a state zo hmasa ber a ni.

Mizoram chhunga Booth Level Officer (BLO) 1,301-te chuan May ni 30 atang khan Special Intensive Revision atana Election Commission of India (ECI) thupek angin vote neite inziahlhna tur lehkha sem chhuah, laklet leh digitise hna hi ngawrh takin an thawk a. June ni 28 a zawhfel tura ECI hun biktuk hma ni 4, nimin tlai khan digitisation hi zawhfel vek a ni a, SIR thawh thumna kalpuitu state 16 leh UT 3-te

zingah Mizoram hian digitsation hi a zo hmasa ber a. Tuna electoral roll hman lai mekah hian vote mi nuai nei 8,75,068 an awm a. He tih lai hian enumeration form sem chhuah tawh lak kir theih loh hi 48,434 a awm a. An zinga mi 21,194 te chu electoral roll a chuang si thi tawhte an ni a. Hmun danga insawn nghet tawh mi 14,179 an awm a. Hmuh zawh loh hi mi 8,571 an awm a, inziaklut tawh sa mi 2,161 an awm bawk.



12 YEARS NDA GOVT

Prime Minister Narendra Modi-a’n India rama kuthnathawktute tuamhlawmna Scheme PM KISAN sum sem thawh 23-na June ni 20 a ram puma pek chhuahah Mizoram chhunga kuthnathawktu Nuai 1 Sing 2 Sang 4, 459 hnenah tanpuina sum pek chhuah tawh a ni a.

Agriculture & Farmer's Welfare Deputy Director PM Kisan enkawltu ni bawk Pu Martin Zohmingliana hnen atanga thu dawn danin PM Kisan insatallment 23 na la tur list a awm si, la dawng kim lo mi 115 te pawh July thla hian dawng thei tawh tura document sign fel tawh a ni a ti a, district ang zawng chuan PM Kisan hi Lawngtlai District ah mi 33,336 in dawngin an tam ber a, Khawzawl District ah mi 3,697 ten dawngin an tlem ber thung a ni.

Pu Malsawmdawngliana, Saihapui V, Kolasib District in PM Kisan an dawn chungchanga a thusawi tawi i lo ngaithla ang u:



OPERATION AMISTAD

External Affairs Minister, Dr. S. Jaishankar-a’n Venezuela rama lirnghing tuarte tanpui beihpui, Operation Amistad kalpui a ni tih a puang a, chhawmdawlna bungrua chi hrang hrang phur Indian Air Force C-17 thlawhna 2-in Venezuela an pan mek tih a sawi bawk.

He thu hi social media-ah tarlangin Dr. Jaishankar-a chuan chhawmdawlna hmasa thawh zingah hian Indian Army Field Hospital Unit bakah damdawi leh bungraw chi hrang hrang ton 35 chuang a tel a, BHISHM Cube an tih mai, mobile hospital 2 a tel bawk.

Puan tawh angin Nilaini kalta khan magnitude 7.2 leh 7.5-a na lirnghingin Venezuela hi a sawi a, hriat theih chinah mi 235 an thih bakah mi sang 4 leh 300 chuangin hliam an tuar a ni.

